

01/3
30.06.21
URP

I.D.

BOSNA I HERCEGOVINA
UPRAVA ZA INDIREKTNO OPOREZIVANJE
BANJA LUKA

ODJELJENJE ZA KOMUNIKACIJE I MEĐUNARODNU SARADNJU

Broj: 01/3-50-4-UP/I-40-3/21

Datum, 28.06.2021. godine

Na osnovu člana 14. stav 3. Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), te člana 5. stav 1. tačka b) Pravilnika o unutrašnjoj organizaciji u Upravi za indirektno oporezivanje („Službeni glasnik BiH“, broj: 29/13) u postupku odlučivanja po zahtjevu Centra za istraživačko novinarstvo Sarajevo, Gabriele Moreno Locatelli 11, 71 000 Sarajevo, za pristup informacijama, Odjeljenje za komunikacije i međunarodnu saradnju, d o n o s i

R J E Š E N J E

Odbija se Centru za istraživačko novinarstvo Sarajevo, Gabriele Moreno Locatelli 11, 71 000 Sarajevo, pristup informacijama u vezi sa podacima uvozu uniforme koju je uvezla firma KM TRADE :

- Podaci o uvozu uniforme (pantalone, košulje, majice, jakne, cipele): šta je uvezeno, koja je količina/broj, kada je uvezeno i koja je vrijednost robe, od 2013. godine do danas, po godinama.

O b r a z l o ž e n j e

Centar za istraživačko novinarstvo Sarajevo, Gabriele Moreno Locatelli 11, 71 000 Sarajevo podnio je dana 10.06.2021. godine Upravi za indirektno oporezivanje BiH Zahtjev za pristup informacijama kojim se traži pristup u vezi sa podacima uvozu uniforme koju je uvezla firma KM TRADE, (pantalone, košulje, majice, jakne, cipele): šta je uvezeno, koja je količina/broj, kada je uvezeno i koja je vrijednost robe, od 2013. godine do danas, po godinama.

U postupku odlučivanja po podnesenom zahtjevu ocjenjeno je da nisu ispunjeni uslovi za odobravanje pristupu traženim informacijama, iz sljedećih razloga:

S obzirom da su predmetnim zahtjevom zatraženje informacije koje uključuju povjerljive komercijalne interese treće strane, u skladu sa članom 7. Zakona o slobodi pristupa informacijama u Bosni i Hercegovini („Službeni glasnik BiH“, broj 28/00, 45/06, 102/09, 62/11 i 100/13), Uprava za indirektno oporezivanje je, aktom 01/3-50-4-UP/I-40-1/21 od 11.06.2021. godine, zatražila pisano odobrenje za javnu objavu istih od firme KM TRADE, Hifzi Bjelovca 40, 71 000 Sarajevo.

Firma KM, TRADE Sarajevo obavijestila je ovu upravu da nisu saglasni sa objavom traženih podataka aktom broj: 01/3- 50-4-70-73-1/21 od 24.06.2021 godine.

Iz prednje navedenog proizilazi da, s obzirom na to da je Vaš zahtjev usmjeren na traženje podataka koji predstavljaju povjerljive komercijalne informacije treće strane, i za čije objavljivanje je potrebna saglasnost treće strane u skladu sa članom 7. Zakona, a kako ista nije dobijena od strane gore navedenih pravnih lica, iste Vam ne možemo dostaviti.

Slijedom navedenih činjenica, odlučeno je kao u dispozitivu rješenja.

Pouka o pravnom lijeku: Protiv ovog rješenja podnosilac zahtjeva ima pravo podnošenja žalbe direktoru Uprave za indirektno oporezivanje u roku od 15 dana od dana prijema rješenja. Žalba podliježe plaćanju takse u skladu sa Zakonom o administrativnim taksama („Službeni glasnik BiH“, broj: 16/02, 19/02, 43/04, 08/06, 76/06, 76/07, 03/08, 42/08, 03/10 i 98/12). Rješenjem se upućuje podnosilac zahtjeva da ima pravo obraćanja Ombudsmenu za ljudska prava BiH, Akademika Jovana Surutke 13, 78000 Banja Luka.

Dostaviti:

1. Centar za istraživačko novinarstvo,
Gabriele Moreno Locatelli 11,
71 000 Sarajevo
2. Odjeljenju 01/3 2x
3. a/a



NAČELNIK ODJELJENJA

RATKO KOVAČEVIĆ